

箕

村

集

薛素素自寫小影爲陳伯恭編修題

倭墮新粧十樣眉
洞簫嘹唳發聲遲
碧天無際東風軟
不似金丸脫手時

鏡中鴻影畧徘徊
露髻風鬟亦可哀
却悵圖成欠些子
慧光寫不到靈臺

曲裏曾喧第五名
由來才子悅傾城
如何敝帚軒中客
不伴靈芸過一生

楚雲如夢玉如顏
腸斷鴛鴦水一灣
知是多生能懺悔

焚香還貌落伽山

素素嘗畫水
墨觀音甚工

張梅溪牧牛遺照其子西潭觀察屬題

喬柯八九株淺草三兩叢低坡接深畝宛轉藏牛宮爾
牛戴轡環非習非舄犢馴性不待羈搖頭脫繮籠飲趨
綠潺湲臥藉青蒙茸曠野任所適無拘萬緣空誰歎跂
雙脚矍鑠霜髯翁蕭然塵外心愛此生機充原非扣角
叟不學跨背童相看憺忘歸日夕烟濛濛翁傳黃石書
鼓角轅門雄曾浮下瀨船早挂天山弓生逢太平時白
首嬉田農寓意寫此圖天游妙何窮軍中椎亦豪隴上
叱自工平生不留物一笑將無同嗒焉存吾真拂絹懷

清風

買桐風雨卷爲張西潭觀察賦

碧桐如蓋搖濃陰蕭蕭槭槭含秋心數株離立傍巖屋
賢時曾費千黃金黃金散盡還易得難覓琅玕高百尺
垂柳休誇陶令家三槐却認王公宅寒濤打窗雨復風
吟牀襍被能相從將軍一去剩此樹卅年寂寞江之東
近聞第五橋邊路無恙繁枝撼烟霧影密全遮洗硯池
條低欲亞藏書庫湘南使君本鳳雛平生風木懷先廬
甘棠手植徧南服篋裏但鎖梧桐圖圖中葉葉流蒼翠

如見羲皇上人意名蹟方同北固庵舊聞待續南徐記
韋約軒前輩招遊怡園登四松亭賦贈二首

昔傍平津閣今開履道齋庭餘喬木在山對夕陽佳坐
臥宜芸帙高低稱筍輶何妨短牆外車馬六條街

閱世蒼髯叟交柯蔭此亭闌干四圍碧衣袂十分青互
作盤虬勢攢成偃蓋形閒坊依白紙嘉植記圖經

兒子慶循將讀書永樂禪院因書韓文公符讀書

城南詩示之并次韻爲賦一篇以勗

爲學求放心吾聞諸子興引錐自刺股亦見長短書牛

毛與鱗角古諺言非虛一簣基成功要在慎厥初世間
多英才徒步起里閭但憂不如人莫問人不如得比順
風隼失若沈沙魚丈夫志科名爲識原已疎况此復不
力昂藏委溝渠徒充噉芻牛何異餽糟豬鈍才可登仙
變化看靈蜍一爲宴安懷木腐生之蛆蹉跎在壯年歲
月忽不居人生過駒隙能弗猛省歟念汝幼失學腹笥
罕所儲世傳一簣經熟復尙有餘勉思魯得之勿效狂
也且家無負郭田想絕親耕鋤况乃行服賈風雪驅車
驢爲汝餬口謀詩書卽良畚汝祖課汝勤白髮臨堂除

集
遺汝遠遊學依依戀牽裾汝母畱望眼望汝有令譽可
憐見無期五年掩荒墟汝宜念此意晨昏自發舒磨礪
出巨璞求價方沽諸努力愛春華母爲更躊躇

鄭雲門編修屬題其祖中允君所藏

御賜新民硯

綠英一片松花水洮渚端溪妙難比佳璞千春蘊彩霞
良材萬里隨包匭巧匠當時初製成雲腴擲地發金聲
盤紋欲掉蒼龍尾密縷如含翠鴝睛

玉案前頭記親試中央琢出新民字五夜常欽祓濯功

萬方共識陶成意
筆格牙籤雲母屏
鳳池波影漾金星
已看除授聯三友
還被沾濡寫六經
滎陽先生舊鰲直
白髮朝

天荷顏色

賜出欣叨內府珍
攜歸雅稱儒臣職
三復遺文大學篇
菑畬古訓藉良田
雲臺授學爭聽講
高密承家愛手箋
六十餘年誇盛事
孫謀接武來中秘
門內雕輪萬石榮
庭前喬木三槐莒
祖德

朝恩奕葉光
染毫重喜
和搖聞從知
世業絲綸美
長戴

天家雨露香

褚筠心學士席上同約軒中丞習庵中允作

虎山橋畔春如海寥落長安見一枝分付雲屏好防護
東風已到欲開時

疎影橫斜耐薄寒曲房重翦夜燈看人間誰是楊无咎
爲寫生綃配楚蘭

數朶天然稱意花越窰供養絕鉛華中丞白髮能憐惜
莫戀西湖處士家

江路迢迢夢隔年小窗一餉結清緣如何銅井花開夜

還見亭亭玉井蓮

三月十五日雨

天際烏雲送暝歸捲簾喜對雨霏微離離漸濕花枝重
漠漠全欺柳絮飛
湏急中宵人易醒泥深隔巷客應稀
故園綠漲魚苗水望斷南湖舊釣磯

題朱凝臺桐陰小影

心跡翛然境倍閒石牀細掃碧苔斑
汪汪合對波千頃
不寫蒹葭水一灣

阿翁畫苑老名師珍重趨庭拂絹時
漫向韓家認桐樹

丹山應是鳳雛枝

題張涵齋侍講得樹軒五首

無榭歌筵想寄園
破窗風雨剩茅軒
三間恰稱詩人住
穩著吟牀老樹根

白板雙扃院落閒
濃陰如繖鳥間關
檐頭但坐添新綠
遮斷城西一桁山

翛然筆格與琴囊
篋裏新抄種樹方
午睡乍醒來客少
滿林蜂蝶棗花香

綠雲深處樹層層
屋宇無多不用增
一事差堪高僦直

炎天省却縛松棚

蒲褐山房元寄廬當年步履過從餘泥中我亦留鴻爪

又讓吳郎隔巷居

得樹軒卽王蘭泉延尉之蒲褐山房元寄廬予之舊宅今吳稷堂吉士所

居是也

立夏日齋中作

微疴阻歡游淹暑息塵鞅聊暢物外襟偶契邱中想韶
景軌無停炎曦轡將枉紛葩謝高枝密葉映疎幌怡顏
追夙戀流盼浹新賞俯聆園禽音坐悵隙駒往懷鉛忝
虛名縻爵紆覓獎感此節序侵撫悰愧疇曩願言歧前

修令德敦所仰

哭宋小巖同年二首

愁紅滿地日斜暝
纔送春歸又哭君
半世功名過都鷁
十年心事出山雲
結交尙憶麻同直
薄宦空憐蕙自焚
想到丹鉛嘔肝地
玉樓應悔去修文

郡章解後意蹉跎
彈指青春一剎那
重覓巢痕資倍淺
長緣藥裹債仍多
望中弱息悲環珥
夢裏家山負薜蘿
太息齊年半零落
不須面皺說觀河

劉侍講亨地章運使棠及君皆與余

同生甲寅年
今先後辭世

三月二十七日同曹習庵中允吳稷堂吉士出遊
右安門外歷普濟宮至豐臺王氏舊園而還二
首

如掌芳原接綺闌游鞍輕穩不生塵千林抱郭青初合
一水穿橋綠正勻蛤吠空塘猶喚雨蝶翻歸路欲畱人
賞心坐惜聯裾晚已過東風袂袂辰

運浦西縈普濟宮刹竿雙映夕霞紅車聲更繞流泉外
帘影遙分密葉中勝地樓臺數株柳官闌鶯鴨一溪風
王氏園本元時鶯鴨所故址也何時捲盡菰蒲影沿月重來放釣蓬
園今

歸多松亭學士改名清泛園
而水道尚缺疏濬故及之

四月朔日偕褚筠心學士張涵齋侍講吳白華庶
子曹習庵中允小集韋約軒前輩有椒書屋分
體得五言古詩一首

春風別經旬庭柯改深綠開樽命朋侶共訪讀書屋窗
楹忽披豁簾影閤籤軸了知位置殊爲藉往來熟離離
出椒叢千條壓牆曲乘時故張王問種辨吳蜀芬香愜
憑襟蕃衍遲盈刃名齋非譽樹托興偶草木長安盛游
讌漿藿餘酒肉欣此陶嘉辰蘭言謝喧俗檢畫借玉叉

評碁歛牙局明燈自升降吹竹徐斷續徘徊淹夕晷欲
去賞未足歸來搜枯腸嚙兔笑筆禿如題寄傲軒願附
李端叔

宋李之儀姑溪居士集有題韋
深道寄傲軒詩約軒遠祖也

四月初七日行常雩禮

上躬祀

園丘侍班恭紀

齋宮鐘動燐蕭明馳道宵扶

玉輦行

黃幄風高三仗肅

紫壇天近六符平中垣瑞靄占龍見下管清韶叶鳳鳴
親仰執圭朝

上帝

聖人感格爲蒼生

清秘堂齋宿作

玉堂本清迥矧此新雨餘好風振庭柯爽氣入綺疏齋
居鮮案牘時復繙我書萬籟寂無聲湛然契元虛方塘
活水來灑灑鳴階除闌干俯明鏡宛見游空魚夕陽在
高柳詩意忽起予夜涼還就枕有夢真華胥

送約軒前輩典試雲南二首

星使遙占向益州國門西去動驂騑廿年黃甲新衣鉢
萬里清風舊節樓烟外鳴笳涿鹿曉月中搖管碧鷄秋
行人幾輩承

臨遣領袖先煩第一流

隔巷招尋許共邀驪駒忽賦悵吾曹搏沙聚散蹤何定
量尺文章價自高蒙段生徒看押榜洱蒼山水待揮毫
更餘部曲黔南路千騎歡迎擁陌刀

蒙

三才集
恩賜蘭亭八柱帖恭紀二首

繭紙新從玉柱刊墨香拜捧出

金鑒唐摹倍覺鋒稜現宋揚應輸骨格完妙抵濶行分
甲乙訛同損本補林湍

龍騰鳳翥瞻

神筆好處方知恰到難

寶墨鐫華溯戲鴻誠懸能變晉人風手臨宜壓家奩重
臆論徒誇祖石工貞觀名珍虞合瑞雲間遺蹟楚還弓
姜評桑考多皮相喜荷

天題爲折衷

西苑退直遇雨

風定樹頭直烟沈雨脚低
流鶯歡坐葉舞蝶倦沾泥
吟趣生簪筆豐徵入叱犁
回看萬楊柳濕遍苑牆西

攜二子遊廬山圖爲蔣心餘前輩題

十年前喚潯陽渡一塔西林指烟霧
脚躡手板苦匆匆翠壁丹梯去無路
歸來夢寐思匡君今吾欲往嗟離羣
豈知先生懷袖裏滿貯九疊屏風雲
雲開忽瀉明河水濕透濛濛行看子
風帆沙鳥極望遙蓮宇霞城半空起

籃輿直上窺清冷二子拊節來同聽玉龍昂首走深澗
欵八筆底爭雷霆江頭瀟瀟打篷雨酒醒嚴城歇街鼓
山靈定愛瓊琚詞故弄陰晴博奇語蘭亭會上無獻之
酌泉空挈睂山兒寥寥千載數風雅倡和誰得家庭師
昨朝捲圖邀我賦一月沉吟不成句山中息壤久負慙
畫裏浮嵐但相妬桑喬舊乘失討搜白牛翁作靈光畱
宋陳舜俞廬山記久失泚毫待續名山註請爲先生紀
傳近得之永樂大典中此遊

題沈心齋太守出山圖卽送之官泰安

揮手江頭餞別筵數峯如黛夕陽邊風流五馬朝天去不趁東吳萬里船

父老當年截鐙畱東方重喜領諸侯文翁石室知無恙更向丹青認益州

吳門匹練望中分按部新摩蘚碣文好待崇朝徧霖雨使君真是出山雲

題舒謹齋郎中課兒圖

海幢寺裏隨飛蓋彈指流光已十年重對朱顏似疇昔春風愧我欲華顛

官舍蕭然絕點氛
書聲翻水晝常聞
當年父老褰帷看
曾識郎君似使君

甘棠手種滿天涯
松菊歸來感歲華
知有世傳喬木在
好憑桐樹認韓家

湛如秋水翦雙瞳
蠟鳳今能慰乃翁
漫憶丹山畫中意
膝前仍有顧非熊

將遣兒子南還而
行期未定中宵感
坐觸緒成咏

情見乎辭

俶裝幾度未成行
去住俱關父子情
出贅知余貧可念

潛修期汝學粗成八州督豈存賒願五嶽遊終負夙盟
何日得酬婚宦了故園歸臥穩柴荆

朔風如翦透書帷五夜迴腸只自知不是有金揮易盡
劇憐無米巧難炊鋪簷下眼生誰慣問舍求田悔我遲
慚讀笙詩第二首敢將十口怨朝飢

庚子元旦

太和殿早朝侍班恭紀

元朔衣冠拜紫宸乾隆四十五年春筴增

萬歲天開子占協三登日次辰索扇乍廻臨法仗鳴鞘

徐動引仙鈞樓頭丹鳳銜書下始布陽和遍海垠

是日

萬壽

恩詔

吳香亭同年招集引藤書屋屬題古藤詩思圖用

李西涯學士栢詩韻

錦幕翠帷亭四匝濃陰白日含涼飈古蔓詩翁尙護持
新芽俗客誰譏狎此翁此藤將百年藤今漸老禿至肩
人間斧斤傳舍厄天上雨露春風權梢月籠烟還競爽
吳公會作藤花長蝶翅尋香抱蕊回虬鬚放影干霄上
明窗筆格畫喜拈曲巷高軒日爭枉仰面驚看繡纈垂

攀條空憶瓊琚響吳公風雅如王公移根近到橫街東
編援縛架兩經夏封殖又見蟠蛟龍却從陳跡出新語
如別父老攜兒童長安花信萬瓔珞嗟此兩本名無窮
海波書屋堪鼎足圖經爲汝傳清風

約軒前輩聽雨樓新居次施耦堂侍御韻二首

蘧廬是處足比隣莫憚移居轉磨頻燕子乍歸連巷雨
海棠如待滿闌春琴牀靜狎支離叟茶臼清宜澹蕩人
獨媿官園窮菜戶欲書宅券尙無因

余所做官菜園屋
近苦頽敝欲移居

而未
能也

鋤花貼石遲幽攀竇斷名區偶得閑沒骨數藂開院本
礬頭幾點當家山攤書合訂千秋業聽鼓仍趨隻日班
更出雄篇驚坐客使旌新拂碧鷄還

武昌閔上舍貞自追摹其二親像爲薦食圖同人
各爲題句余亦賦五言一首

閔子親早逝餘哀抱纏綿樂樂踏風雪感激麻衣篇音
容墮渺茫有夢不到泉身隨日月邁恨托丹青宜沈思
動鬼神上訴冥漠天黎邱匪貌幻虎賁竟神全閉門急
追摹恍憶孩提前遂起九原魂倏現三毫顛圖成儼白

髮竝坐臨堂筵斑爛子婦服駢立童孫肩晨昏喚翁姥
上食羅嘉筵願將無盡慕誓畢兒生年請看墨模糊中
有血淚漣昨來發遊興偶別東臯阡琉璃五寸匣臥起
肯暫捐客中感寒食銜紙飛烏鳶棠梨落空山歸夢忽
已牽捧圖邀我題欲語先潛然我詩如里飲好付風人
傳因君書孝史爲我叅畫禪

題歸航圖送吾山侍御假歸淮陰

驄馬嘶風惜別筵水郵迢遞指淮壖行人莫作端公看
只似當年入洛船

觚稜曉夢落烟嵐藥樹初辭隻日參穩臥孤篷聽春雨
杏花時節到江南

抽帆新水滿柴門鄰里壺觴競過存最喜君家老同叔
白頭相對話田園

恭和

御製經筵畢文淵閣賜茶元韻

慶霄璇榜望嵯峨目較崇文倍幾何

當展

奎章懸日麗

御製文淵閣記勒於閣中署函雲朶燦星羅

寶展之上

籠葱樹擁萬家烟
鐘聲曉度芝房肅
雪色晴浮綵仗鮮
仰見

至尊親望拜
祠官鵠立侍

皇乾

正月八日上辛陪祀

祈穀壇禮成恭紀

青陽玉葉

祈穀壇覆以翡翠瓦其名曰青陽玉葉

麗層霄

帝座中壇陟降遙
兆應金穰符穀日
時乘木德啟春朝
繁星向曉光臨幄
雅籥迎和韻叶韶
定識屢豐邀

聖感歡聲長送入幽謠

正月九日蒙

恩召入

重華宮茶宴以快雪堂帖命題聯句卽席恭和

御製元韻二首

祈穀剛欣穀日符吟賡寶墨逮朝儒亭如喜雨徵時泰

前歲

命建快雪堂於瀛臺爲廊以甃帖石甫落成

而元旦

瑞雪告慶去冬又疊降時王兆協屢豐恭讀

御製記文仰見

聖主省歲勤民至意

館比停雲擷話腴摹本稀來增

市估充庭陳處荷

天俞

帖爲原任閩督楊景素所購進

殊珍畢竟歸

東觀呵護流傳有以夫

告稔祥開太乙宮
鐫華長粧液池東
六花簾額光猶滿
片玉廊腰樣許同
名信實賓徵厥應
材逢時顯有其終
拈題不獨臨池賞
薄海耕犁感

聖衷

同年公讌於邵香渚給諫宅卽席口號一首

爐香攜乍九霄回

是日蒙

重華宮曲宴

恩與

仙咏霓裳又共陪

中歲交游感絲竹
先春勝賞會樽罍
驚鴻南國歡仍戀

時奏吳策馬西州恨莫裁謂辛巳却喜故人多有子瓊
伶雜劇枝照座謝家才蔣秦樹沈朗峰諸

即君時俱在坐

十一日復集香渚給諫宅偕孫補山中丞用前韻

東曹習庵宮允

作戲逢場又一回笙歌隊裏許攀陪
攜燈未遣停金縷改席重教洗玉壘
今夕花枝人共賞誰家綵勝手親裁
是日如何風月平章地閉閣空閒吐鳳才
立春

十三日和補山醉歸惘然有感賦東習庵之作三

疊前韻

採花曾向曲江回

習庵於戊戌冬由秦中至京師

高詠何人捉扇陪要

遣詩情消玉塵憑將春色泥金壘接羅狂任山公倒窄

袖輕宜定子裁博得游仙新句好曹唐本自擅清才

習庵

近有游仙詩極工

習庵以詩招同人小飲四疊前韻奉答

折簡傳箋日幾回歡場是處盡追陪那知東閣梅盈盞
又稱南船酒拍壘澹蕩春歸寒尙勒團圓月好樣誰裁
他時不速還應到占象寧勞問蜀才

十四日汪雲壑修撰讌席補山遇雨未赴作詩以

東習庵余亦繼和五疊前韻

兩地徵歌未擬回東隣我亦座間陪

習庵先赴雲壑之約復偕予同飲吳

澹人銀臺宅

熊魚合妬兼嘗鼎燈月難忘獨酌壘見慣司空

腸慢斷吟成小吏牘頻裁空花一笑參真諦莫倚當筵
刻燭才

和補山促習庵和章之作六疊前韻

言詩賜敢望顏回牛耳騷壇總後陪作氣肯容堅壁壘

取材原不棄瓶壘

兩公屢疊予所倡原韻

草同盾鼻誇神速字對

春坊費巧裁十吏傳鈔但驚愧筆花我已盡江才

十七日補山招同人集百一山房七疊前韻

一番風信落燈回，隔巷相呼步履陪。近局仍開聯舊雨，

在座皆去冬消寒會中客歡場頻醉怕深壘。花評杜曲情聊遣，習庵

出示咏石譜仇池句好裁。補山蓄奇石甚富邀同人作詩襍被更懷馮

奉世明光起草仗通才。時馮星實鴻臚以圖直未至

張涵虛侍講久不作詩，一夕和壘字韻詩成七章。

詞旨兼美走筆奉答八疊前韻

驚見詞瀾大海回，興酣定有鬼神陪。巧緣難發方穿札，

勇比連浮必盡壘。七首塗鴉慙率意，余亦先成三家倚

馬競清裁

補山習庵俱以工速擅長君詩一出足鼎立爲三矣

我盈彼竭原良策

解用奇兵却霸才

十九日家礌士少詹招同人飲陳伯恭編修宅余

以事未赴九疊前韻

繫住斑駁未放回
畫闌燈火費招陪
應官慣聽蘭臺鼓
卜夜空閒綺席壘
明月三分盡情照
雲箋幾幅稱心裁
自知鏤管拋來久
老不中書本棄才

二十日褚筠心學士宅讌集十疊前韻

寶山誰肯手空回
舞罷楊枝密席陪
夜到三更頻跋燭

酒行百罰互飛壘長筵只當紅裙飲輕服應催白疊裁
車子一時誇薛放風流終讓鄴中才

時習庵卽席先成詩

禊墨齋羣花盛放習庵有詩次韻奉和

雲舒霞卷泥熏爐禊墨春齋卽嶠壺莫爲麻姑想仙爪
蔡經今不住東吳

銀燭燒殘夜到明桃源一水隔盈盈當筵未得餐蛾綠
常婉頭銜是飽卿

粧成半面影婷婷瘦損春枝倚畫屏猶有元都觀中樹
落紅寂寞付花丁

簾額重重曙色侵年時促席後堂深珊瑚網底無消息
愁絕連成海上岑

恭和

御製春仲經筵元韻

地接東華開

講幄班齊北面引朝裾傳心大義欽

垂訓崇政虛文陋說書一矩道均符立極萬方利溥慶

安居

時進講大學此之謂絜矩之道周易乾
始能以美利利天下不言所利大矣哉皋惟賡拜

參知唯進讀勤猶

念起予

恭和

御製經筵畢文淵閣賜茶作元韻

御爐香裊書初展延閣春生

輦乍移櫺列高低環座密

文淵閣上下俱環列書架

茵敷左右押

班遲

鴻臚官引侍分東西兩班入

講諸臣

少蓬預直慙稽古

宋秘書監

有大蓬少蓬之稱臣蒙

恩充直閣

中簿勤編勵省

私臣等奉

命纂輯四庫全書總目現在編次成帙

敢說文章能報國勉思歲

業答

昌期

題馮星實同年潞河督運圖

大司農丞職輓輸治粟使者分秦符行河都水川澤虞
督運典午無差殊唐家水陸經川塗陝州迢遞三門孤
真揚楚泗何曲紆草草宋計非良謨秘書太史郭大夫
昔導水脈京東隅新河通惠接直沽雲帆粳稻來東吳
連厥邸閣交撐扶倉塲署建宣德初度支長貳頭銜俱
坐糧

昭代愼國需望郎豸史持其樞天津北上銜尾鱸排網

催遞諸州租壩分土石齊合繻輪塲閱納紛揚掄斗斛
龠合無失逋正兌絡繹供

神都沿洄四牖鏡面鋪大通雇載聯輶輶其它改兌祿
廩須受之通潞州南郭柳枝插水防填淤划船如飛獨
木剝泉麻緝囊疊項趺轉般羣聚沙中鳬來牟額送兼
黍稌亦有戎菽支薪芻六千九百數不逾稽臣護漕恭
成模大馮君乘使者車明光暫輟含香趨目營手畫妙
櫛梳井井朗若田分區並施威愛調密疏粟無積墮丁
無劬兩年歸報

帝所俞前政未有馮君如大光樓前眺平蕪畫簾曲几
時嬉娛京江江萱寫此圖細入毫末窮錙銖綠楊捎空
一萬株柁樓高下攢檣烏中流官舫紅氍毹唱籌彷彿
聞傳呼波光渺渺拍太虛中有惠澤濃於酥詩情滿紙
不可摹麗譙回望烟模糊使君家世本大儒桐花丹山
出鳳雛當年司寇司漕儲釐奸剔蠹民來蘇東南父老
感入膚施及孫子登天衢君今行省臨匡廬金倉判案
煩墨朱三司領使古有諸佇召計相光遷除公侯復始
語豈誣志載食貨書河渠裴休杜佑君其徒

兒子慶堯將從其婦翁星實方伯於江西藩署以
詩送之

十八年來寸步隨臨行牽袂涕交頤姓名畧識仍荒廢
乳保纔辭便別離子壯家貧難作計感存懷沒倍增悲
婦翁最有冰清譽好去周旋得汝師

平生拙宦未言寒婚嫁中年欲了難腰腹看渠俄長大
鬢鬚顧我但辛酸乍經鞍馬心教細莫負江山眼放寬
頭白重聞苦垂望勉旃進學勸加餐

汝兄歸計已蹉跎其奈重添別緒何誰信兒曹催我老

獨慙身世累人多白華甘旨供還缺黃浦風濤夢易訛
轉側中宵不成寐步檐還起看星河

猶有童心未發蒙深愁折几負家風文章要解揣摩力
氣質全憑變化功請業少儀循象勺出門壯志勵桑蓬
爲山覆簣須勤省嬾散休教似乃翁

恭和

御製經筵畢文淵閣賜宴以四庫全書第一部告成庋
閣內用

幸翰林院例得近體四律首章卽疊去歲詩韻元韻

冊府觀成雲並爛瓊筵洽惠仗初移近

光人仰

持衡正

臣等編纂全書折衷考訂皆蒙隨時訓示仰稟

睿裁得以恪共將事

荷

獎彌慙掃葉遲鄴架插分層上下

經史子集於閣上列架次第分貯

蜀

牋寫滙本官私

凡官版官修各書及直省督撫所採藏書家所獻者各依四庫門類分編悉著

於錄花駟瑞草縈書帶日麗奎躔恰應期

月令仲春之月日在奎

璇題雲構信佳哉曾

勅句吳寫樣來

文淵閣鼎建特令浙江圖進室波氏天一閣之式因依其制

袞鉞

天施形畢照

諸書進醇疵永昭

御多蒙

定論今並恭錄冠於卷首

淄澠派別目咸該

四庫各分門目以類相從

駁文特訂崇

真鑑

諸書中持論駁謬

如葉隆禮契丹國志

斷簡重蒐

惜棄材

永樂大典內不經見之書為原本分韻所割裂今俱裒輯散片綴合成編悉如其舊

覺世

聖心期見道可容側艷濫觴陪

集部中纖仄詩詞及青詞樂語之屬俱奉

聖訓刪除
以崇正軌

祥開紉縵喜來歌縹軸牙籤列宿羅借許一統還有副

四庫各書俱藏其副於翰林院承學之士有願就讀及借抄者聽

積餘羣玉况其他真

啻曾輦徒勞爾

宋曾輦校史館書僅成目錄序十一篇臣等承

命撰次總目提要荷蒙

指示體例編成二百卷

欲傲黃香得見麼

漢黃香詔入東觀讀

遭際之隆實遠勝於輦

未見書侈爲盛事今臣等叨與編摩得盡窺秘冊卷帙精博斷非東漢所能企及萬一也快對藜光燭霄漢蓬山淑景倍融和

恩沾瀛沼分天酒香裊芸厨候曉籌海內圖書觀止矣

人間褒博到能不羸三萬冊尋源貫全書凡三萬六千冊括四千

年紀代悠自唐虞以至國朝各書皆按撰人時代以次臚列還向集賢增典故

署名榮忝簡端留臣等奉命撰擬諸書卷首提要皆許列銜名實深榮幸之至

恭和

御製仲春經筵有述元韻

文華

講幄啟韶春

論闡精微懋典循孔性高深符樂壽臯謨哲惠迪臣民
六經傳註言衷

聖萬世

君師統備身天道與聞欽

至教拜賡竊幸見知真

癸卯新正蒙

恩召入

重華宮茶宴以職官表命題聯句卽席恭和

御製元韻二首

駕班鸞序慶師師六典參稽古是資體仿旁行宜作譜
制超歷代倍

勤諮開元格令編沿革長水官儀慎職司自奉折中欽
聖訓千秋金鑑凜深思

謨誥昭垂廸厥官成書勒定永無刊治尊

威柄前疇匹義貫睢麟昔所難

嘉宴左廂欣授簡頻年東觀愧分餐編摩幸得窺
天藻葳業勤思敢自寬

恭和

御製降旨全免甘肅歷年緩征積欠詩以誌事元韻

蠲符載

恩言萬里徧雨露絲毫皆正供普免及正賦因緣充吏
橐嚴創理則固瘠磽

軫民力積負矧有故比閭忍追呼

惻怛意咸諭

聖人照無私威愛因物付於下苟有益損上宜所慮培
根在沃膏不但去其蠹勗哉守土臣覆轍免前誤

恭和

御製彙萬總春之廟成因題句元韻

春光閭苑問誰司像設規模偶肖之秩視山川同受職
名標紅紫各知時歡迎仗鼓開逾密香溫宮幡護莫遲
催得萬花齊候

駕不嫌風信過辛夷

恭和

御製戒得堂東望元韻

夕照穿林石磴斜虛牕拓處少攔遮城依

帝座星辰近地關
仙居水木華清梵
欲流魚送響
纖塵不到馬停撾
好山似識

宸襟樂故向寥天散綺霞

恭和

御製題佩文詩注元韻

字排珠顆貫離離
小本巾箱慣

手披民物

關心聊寄耳雲山
經用只如茲
七音入律脣喉齒
萬派同源賦頌詩
別有鑪錘叅造化
箇中消息

聖人知

恭和

御製幸避暑山莊卽事得句元韻

諏辰早協鳴鑾吉就日情殷屈指輪

詔已三霄敷

渥澤逾仍七頓奉

安巡天臨華蓋

行彌健雨灑桑田景倍真不獨近

光歡赤縣遙知後望滿邠人

恭和

御製密雲道中作元韻

良苗被隴翠初披
沃野羣欣物土宜
水健于龍喧夕漲
山圍如玦吐朝曦
麻微雨若還暘若

德教匡之更直之名郡
恰符安樂義

密雲在隋爲安樂郡地

千村

烟火慶

清時

恭和

御製出古北口詠事元韻

迺成鳴笳彼一時八荒戶闔仰今茲林中細繞千盤坂
雲際平開九達達此地置郵通塞甸何人過嶺動鄉思
宋王曾封事謂古北口東出盤道數層俗名思鄉嶺蓋
當時視為極邊之地行者憚於登陟故有此名今則中
外一家往來久成孔道每歲駐蹕熱河閣區驛章
及朝覲者皆從此前途蕩平同軌實非唐宋所能企及
萬一最嘔飲馬長城窟曉論流傳樂府詩也

恭和

御製至避暑山莊卽事得句元韻

砥平馳道接天門咫尺蓬壺上曉瞰絃誦諸生同魯國

熱河新建豐序入學歲有定額每逢
幸學臣率諸生道左恭迎彬雅可觀人文蔚起聖駕臨輿圖

九域愧王存

前經

命儒臣輯成熱河志考

吉祥光

擁

如來佛繼述功垂

有道孫長頌那居拜王會年年玉帛奉堅昆

恭和

御製永佑寺瞻禮元韻

顯承

謨

烈

兩朝同繼序

心傳凜在躬原廟衣冠懷

禹蹟康衢耕鑿戴

堯風滌泗武水源長抱葱鬱高山氣自通計日豐京莅

清蹕神霄

陟降感

皇衷

寄孫春臺方伯

結交曾記聖湖旁廿載鬚眉盡老蒼塞北行圍其刀筆

黔南按部各風霜襟期投漆心千古聚散搏沙天一方
莫怪年來少書札故人知我頗稽康

傳聞知己鬢添星萬里巖疆重翰屏劉相轉輸優國計
曹侯清靜載民宜犴獐競喜迎麾節頗牧真煩輟

禁庭南顧定應資坐鎮朝

天車馬暫教停

寄費芸浦方伯

南行節使動驂騑天末相思又暮秋萬里傳書勞問訊
幾時過

關盼勾留春隨按部三層蓋月滿籌邊百尺樓賴有交
期素心在益州那復異并州

巖疆半壁倚毗隆
旼隊轅門鼓角雄
地控交黔民氣古
職兼鹽鉄使銜同
樞庭筆札推先輩
幕府功名付鉅公
尙憶盤山看花騎
前塵回首太怱怱

篁村集卷九

孫男成沅謹重刊

篁村集卷十

上海陸錫熊耳山撰

古今體詩七十一首

喬鷗村刺史甫莅岷州而石峰堡回民搆變奉檄
守城賦詩紀事從郵中見示因和二章卻寄

橫梁城樓發浩歌令嚴鼓角夜如何秦中地合詩人住
隴上風還壯士多羌落萬家團白馬蜀山百道走黃河
潢池偷息嗟羣盜草檄知堪盾鼻磨

接天隴坂萬重雲斗大孤城掃賊氛涕泣共懷元刺史

笑談真仗李將軍上功幕府勞應最急難
鵠原信早聞太息中丞棠樹在重將遺愛付郎君

訪舊毘陵金蔣庭太守留榻郡齋旬日歸舟以二
詩寄謝

殿院樞庭最有名江湖暫把一麾行
西川籌筆才先著南國甘棠種已成
地許鄰州借河潤人來官閣愛風清
外臺早晚還持憲何限蒼生望使旌

杞菊齋廚愧惡賓柏堂風雨話連晨
營巢我倍憐生計庇廈公能念故人
津鼓夜喧催別早江楓秋冷載愁新

明年手插松楸了徑合移家作部民

題李筍香烹茶洗硯圖

竹爐仁試折脚鎗蟹眼沸作松濤聲此時坐揮白羽扇
已覺兩腋清風生君苗向說曾焚硯陸羽何妨更毀茶
且聽禽魚自飛躍此心真見道根芽

題李柳溪攜孫登岳陽樓圖

洞庭新水生春烟浸斷坤軸青無邊岳陽高樓高接天
湖雲湖雨闌干前先生昨泛巴陵船兼珍子舍羅芳鮮
籃輿扶舁乘輿便飛步直上層枕巔君山一髮蒼螺旋

破碎島嶼紛洄沿龍驤萬斛高帆懸隨波亂走風吹綿
眼底廓廓開秦燕齊煙九點腳踏穿手弄明月玻瓈圓
那復鸞鳳煩咎鞭名駒千里聲琅然權奇文采清門傳
當年曾聞過秦篇畫圖見此雙矐妍清貧太守無一錢
天付絕景娛親顏含飴來看佳山川收入巨筆如修椽
胸中雲夢吞幾千吾信夫子非癯仙

題張丈遜亭秋林靜寄圖

商聲夜半歸疎桐枝枝葉葉含西風米顛喚洗太多事
何如道人默坐觀虛空蕉衫桐履真蕭爽天際詩情契

遐想境清無處著纖埃便面寧須障塵埃滿城砧杵催
高秋三徑剝啄無羊求眼前此景祇自領一字不著能
風流小山叢叢落桂子涼意初生月如水請君更問晦
堂師鼻觀通香無隱爾

玉壘張丈招飲塔射園賦贈

朱藤絡架柳梢簷雅稱幽居號讓廉名士來同漢川鯽
清談味過水晶鹽急流送響泉分牖倒影涵空塔印尖
扶醉不妨歸路晚林端如玦吐新蟾

身隨乳燕去尋巢到便勾留肯遽拋畫本繞廊侵葉暗

基聲隔院帶風敲洛陽待補名園記西蜀盡煩解客嘲
欲豁看山高處眼過牆新竹已抽梢

飢驅之故將作粵遊攀戀松楸詩以誌痛

艸艸西風別墓時麻衣衝雪又何之病餘骨並飛龍出
暗裏心驚隙駟馳懸釜欲炊愁百口睡苦難穩痛孤兒
浪遊至竟非長策去住空憐不自持

身是隨陽澤畔鴻吾生真恐類飛蓬前塵嶺外乘槎使
妄念揚州跨鶴翁意氣半生輕負郭文章終古悔雕蟲
祇應斷岸孤舟夢常繞龍華野寺東

題鄭輔堂別駕吳淞放艇圖

波如熨羅平帖妥天際芙蓉開九朶使君昨朝遊興發
官舫中流疾於筇玉簫金管載兩頭右手傳杯蟹螯左
停橈攜客躡翠微灑面風來吹幘墮到處頻留寺壁題
晚歸不怕城門鎖漳濱臥疾阻歡陪聽話風流口先哆
使君能作吳淞賦我亦正鼓珠江柁家山彼此互評品
秀麗雄奇無不可待寫扶胥觀海圖更乞新詩持報我
造次成行計非獲已舟中默坐有戚然不自得者

因讀東坡和陶詩輒效其體爲和貧士七篇以

抒寫其意

負土事粗畢丙舍行相依北堂乏甘旨何以娛春暉身
如雁隨陽乘風復南飛空慚懷刺去終恐垂橐歸道中
逢故人相見訴苦饑我尙拙自謀俯仰徒餘悲

書生本徒步甘載昌華軒歸來生計空無復田與園今
年穀翔貴曉突稀炊烟惟有千卷書晨昏困鑽研家人
競嘲訕閔默我不言世無黔婁妻誰識原憲賢

歲月忽已徂變除逮祥琴大鳥巡故鄉啁噍感哀音胡
爲泛輕舟故友相招尋遠遊豈我願此意久酌斟曾讀

誓墓文高風諒能欽區區爲妻孥永愧平生心

忍飢苦學杜睡面常師婁吾生寡知交竟坐懶應酬茫
茫去何適葛履行道周留家東海壖歲晚懷百憂故人
擁旌旗風義與古儔庶幾鮑子心知我非妄求

常怪乞米帖自寫尺牘干還笑光範書志在得美官人
生貴適意朝舖還夕餐但能息車轍那知世暄寒無端
飢來驅黿勉厚我顏且當忍須臾性命誠相關

朝聞魚市喧臥起推霜篷行沽集邨叟時及休百工秋
禾雖薄收善政多黃龔家家釀春酒氣象豐年同上江

金木集
米船來賈販亦已通不如早歸去里社相過從

張生抱奇志揮斥隘九州惠然肯同行意氣今無儔汪
汪千頃波道眼清不流談言每微中藉此銷煩憂此行
富江山相約互唱酬聊憑紀郵籤道里尙阻修

武林門舟次晤謝肇渚太守時方奉其母夫人柩

歸葬紹興

國門曾贈繞朝鞭瞥眼流光已二年不道終天同抱恨
相逢此地信前緣我行欲蠟羅浮屐君去新營京兆阡
苦說南征太遲暮萍蹤進退轉茫然

杭州寓舍雨坐因成短歌

朔風吹折江邊葦密雨廉纖作還止麥苗簇簇乍抽芽
一夜生機翠如洗旅人枯坐怨留滯拍手農夫盡歡喜
今年旱勢亦太甚徐豫南來一千里江鄉杭稻纔半熟
告糴方輸蜀川米所期一飽償九空蓄眼春收萬金比
天公博愛非一物坎止流行亦常理但教比屋歌飯甕
那怕儒生真餓死

自杭啟行有作

十年歸夢落湖光到便匆匆促去裝要學浮屠三宿戀

怕難人海一身藏朝衫脫久慵軒蓋席帽來遲畏雪霜
未免過門成大嚼六橋烟樹笑人忙

富春江行卽事四首

喜將晴色破愁顏不負江湖獨往還留住秋光莫教去
白雲紅葉富春山

多謝青山不世情緣流拱揖費將迎憑君莫照星星髮
水到桐江徹底清

天遠沙平水拍江丹楓如畫滿船窗船頭軟掛篷三幅
船尾輕搖櫓一雙

無多茅屋枕江壖，隔崦依稀有爨烟。
斗覺新寒上衣袂，數株衰柳驛門前。

桐廬

信美桐廬縣，初冬似暮秋。
人家烏桕樹，客子木棉裘。
樂歲高低廩，過川上下舟。
宵來試山雪，白映老夫頭。

舟中犬

舟中細犬黠，且儼善解人。
意來人前岸，頭彎環百丈。
牽跳跟追逐，如風旋撇波。
一躍還上船，天寒月黑野岸邊。
嗷嗷亂吠荒雞連，老夫擁被寒入肩。
三更聒耳愁無眠。

吾行訪舊里數千不是騎鶴誇腰纏麻衣游謁暗自憐
枉汝守望慙吾顏荒江破屋棲數椽江南斗米五百錢
尸饔有母勞憂煎嬌兒繞膝行蹣跚牙牙學語雪兩顴
棄之遠去心悲酸南來無雁書難傳截筒繫汝馳故園
我家黃耳非虛言長吟問犬犬不然但和村豹聲交喧

嚴子陵釣臺

故友方膺赤伏符羊裘老作澤中癯姓名只喚吳男子
印綬盡縻漢大夫多事受經從博士何心削牘報司徒
不知遺像荒山裏曾見西臺慟哭無

七里瀧

崖根亂石蹲如虎石罅游鱗清可數無風解道七十里
石尤盡日愁行旅我歌路難心最苦獨有篙師閒笑語
人間何限四不出問官底事忙如許

嚴州曉發

大洋灘接小洋灘亂石當流蹙怒湍夾岸山高遲日上
打篷霜重壓衾寒客心暗逐西風急詩思真同上水難
聞道章江在天末故人還隔嶺雲端

泊蘭溪

風高灘澁挽行舟如葉輕裝悵滯留百里正嫌卹堠遠
一溪忽抱縣門流山中橘柚催霜信江上琵琶動客愁
卮酒空煩慰岑寂難教從事到青州

時蘭溪令
送酒至

舟夜次立人韻

萬里尋瀧吏君能念渭陽身緣羈旅賤夜共道塗長灘
急疑喧雨烟沉欲下霜買山應未得何處是吾鄉

衢州贈費芸浦方伯

一疏陳情衆口傳歸來春酒正如泉

國恩雖覺身難報王事豈令子獨賢乍喜拙帆迴大海

空勞截鐙滿南天萬鍾我已嗟何及眼對萊衣却黯然
禁中對直十年身衣上行邊萬里塵軒冕君真無憾事
江湖我是未歸人交遊漸作疎星曉會合偏同泛梗親
待逐春風更相訪坐看蘭沼碧生鱗

水落灘乾舟行濡滯西安至常山百里二日方達

詩以誌悶

夢中一笑失百憂銅槃青燄堂東頭隗生非真我非假
覺來布被風颼颼天公夢幻等戲劇坐使日夜煎膏油
平生阿堵不掛口何曾束帶見督郵飢寒顛倒事相左

懷刺欲謁諸侯道旁小兒拍手笑笑我拙計同巢鳩
搶榆只宜斥鷃守擊水妄意天池游爲儒呻吟鄭人緩
伏波到處仍淹留直看霜降水歸壑始肯牽挽下南州
篙師邪許汗流踵一灘一丈無時休出門惘惘豈得已
居此鬱鬱真何求江邊啼鳥苦相勸桂叢好在山之幽
袁安破屋尙堪臥楸枰經返山陰舟

玉山登舟

信州城郭暮雲邊遠見高飢赴大川百越秋風通瘴火
九江春水下樓船愁如旅雁經霜倦病比寒魚怯夜眠

獨倚孤篷望南斗廬山一角淡生烟

曉至湖口鎮

暫借清灘浣客顏宵來繞枕夢潺潺寒鐘忽發何處寺
曉艖已過無限山屋綴蜂窠認烟直帆開弓樣帶風彎
勞生擾擾真堪笑篷底攤書未算閒

鉛山道中追悼蔣心餘前輩作

豫章有名材千尋挺巖谷森然到合抱徑寸受氣足咸
韶發清奏冠佩好奇服鵷鸞滿中臺豪逸天使獨靈心
苦雕鏤健筆謝邊幅淒涼桓伊箏諧笑東方肉微言參

聖謫餘子但碌碌遠追正始音盡洗皇荂曲寧徒壓西
江詩派繼前躅文端今歐陽一見快刮目承明須著作
藜火照天祿司空東閣士彭蔣粲雙玉故人已龍驤一
老猶驪伏空呼野才子去伴古尊宿晚憐爲貧出又捧
侏儒粟方乘桓氏驄竟集賈生鵬我昔遊諸公杯盤互
追逐交游散風絮歲月轉車轂當時二三子強半在鬼
錄都亭憶分攜冷月挂疎木雖言苦風痺尙喜按絲竹
心知見無幾慰語痛在腹終然厄龍蛇聞耗淚盈掬人
間讀書種黃壤薶羸麓定知三尺墳夜有虹光燭偶來

通德鄉山川覽清淑聊爲投文弔未遂隻鷄哭鳳毛付
超宗食子宜在穀他年訪斜川遺編許重讀

貴溪縣齋示門人鄭大令高華

清淨知能事蓋公蒲鞭倚壁獄常空大材合遣儲都料
微法何嫌中考功時鄭以事被議停陞入手仙山弄晴翠關心高
廩散陳紅書生本色君須記世上方誇捷走工

舟中遇風有作

連山宿雨夜浪浪多事西風挽客航應是江神厭嘲聒
不教點筆賦滕王

暖翠浮嵐入畫圖南來未覺歲行徂寒風忽掃千楊柳
似我霜髯一半枯

寒鴉行

寒烟沈山鴉接翅一片團風起平地啞啞急喚已倦飛
點點摩空徐作勢忽然捲隊掠雲去散入霜林投遠寺
霜林葉脫愁集枯東方日出還相呼鷺鷥尋魚鴈啄菰
跳踉拾食寧求餘一飽不復思江湖天長歲晏寒裂膚
我獨何爲嘆羈孤人生俯仰不自圖可憐愧汝緣區區

瑞洪聞鴈

鄱陽急雪夜淒淒幾隊哀音落枕齊夢老慣依邊月迴
羣孤猶怕嶺雲迷江湖浩蕩驚新侶杭稻艱難憶故棲
欲寄封書轉惆悵流黃機畔翠輦低

昔與姚佃芝臬使雪中同直西苑用清虛堂韻賦
詩忽忽十五年矣道經豫章喜復相見天寒欲
雪追念舊事感嘆彌襟因復次舊韻爲贈

相迎不用長風沙肩輿徑造提刑衙十年邂逅如夢寐
但怪青鬢堆霜花銅鋪丹地憶伴直曉寫宣底呈官家
瀛臺歸來雪點袂詩成醉墨先塗鴉故人四出作霖雨

集
興盡無復誇滂葩我從書閣輟編刻君正獄市勞梳爬
江湖流轉復相見留客爲淪頭綱茶南來病骨困憔悴
瘦馬強起煩鞭撻凍雲垂垂霰先集舊游重省空長嗟
天寒道遠還念我去把木佛燒丹霞

至日登滕王閣

驛亭淹倦旅傑閣暢高攀落照沈寒堞驚濤入暮闌冰
霜逢日至吳會指雲間極目思千里傷心近百蠻帆檣
迴左蠡簾箔隱西山漠漠殘霞斷冥冥去鳥閒何時罷
歌舞有客老江關遣悶扶桃曲捫題剔蘚斑浮名最憎

命急景獨凋顏信美非吾土明朝掛席還

南昌不得拜裘文達公墓感賦

愧我汪汪千頃陂醉翁談笑憶當時孟嘉不待風吹帽
毛遂終教穎脫錐後死何人傳逸事此身無路哭遺碑
門牆白髮今餘幾晚歲誰酬國士知公嘗曰熊以爲澄
期許殊至今五十無
聞深有味於公言也

贈權江西巡撫舒大司空

舒爲文襄
公冢子

廿年東閣舊郎君旌節新移清海軍功業西平真有子
交游東野願爲雲佇歸溫室行聽履長感祁連築象墳

草草江干枉車騎還將苦語出臨分

鄱陽湖

昔讀禹貢書今泛彭蠡澤連山盡東趨大地忽中坼
岷流束衿喉楚派會圭壁微茫波濤青破碎洲嶼黑網船
絕諸州津堠通十驛魚龍閒自舞天水了不隔當年戰
鄱陽陣火照山赤檣艦灰燼滅銘碣丹青泐雄圖久銷
沉遺廟空血食惟餘浩渺觀一洗芥蒂臆我來水歸壑
又苦寒飈射千尋蹴巨浪七日滯行客崩崖困掀簸永
夜愁偃側遙瞻落星戍悵望柴桑宅出險會有時扁舟

竟安適夢醒聞好語旗尾西北擲

星子令門人王千驥過舟中夜話

五載緇衣客今宵絳蠟光
資高官尙攝會短語偏長苦
勸安毋躁原知別太忙
來程困留滯未及石尤狂

過南康不及遊廬山

江州風來迎洪州雨相餞
但望廬山雲不識廬山面
枯桑杙孤艇一晌脫飛箭
青衫逢故人沿檝率山縣
爲言湖浪高橫空雪團片
城頭接嵐翠絕景在几硯
不礙昇盤輿粗當理廚傳
我行苦遄迴欲往意已倦
銜衷漫故

刺縫衣綻新線刮毛望成瓊顛倒墮夢眩縱無山靈移
顏駢汗成串清冷三峽水胃濁未可嚙幸非問津迷空
抱臨淵羨蹉跎惜願迂凜冽悲歲晏平生心一寸不共
鬢髮變微軀荷天慈腰腳尙假便終從麀麀遊坐覺簪
組賤記我不生客他年定相見

北風吟

冬十一月日南至北風夜捲南昌市一旬不歇勢轉狂
天樞地軸爲低昂飛廉怒抉土囊口萬里磊落吹南斗
來船有帆不敢張去船三老閒籠手貧家忍凍哭向天

零亂屋茅滿地走我回南棹門北風風不我哀我命窮
船頭纔拂落星石船尾尙縈鐵柱宮昨朝十里今五里
力盡寸寸彎強弓宵來繫纜沙灘空臥聞喧豗撼檣篷
猿啼鴟叫吟伏龍萬響亂攪愁人胷五更向低曉又作
令我歎息何時終

大孤山

濕翠波心望杳冥塢尖盤鵲護風鈴中流特地掀孤柱
南斗何年墮一星極浦歸帆帶烟霧叢祠灌木闕神靈
漁歌忽送滄浪調淒絕羈懷忍更聽

湖口柬佃芝臬使

章江門前駐車幃輕舸欲發勞牽挽誰知十日擷鵲風
閒煞篙師柁樓飯邱中君自留予嗟悔不相從杜扉撻
千搖萬兀到湓口高閣珠簾猶挂眼潯陽西來問米價
早餘苦說秋禾損連朝薄雪不到地犂确山田未能墾
驚魚莫遣河水渾雀鼠何知墮牢圈奮髯正有朱子元
天下豈惟董公健知君愷悌衆人母肯待良規申繾綣
我今難鑄十州錯漏盡鐘鳴不思返誰言枉尺當直尋
空憐日暮還途遠題襟漢上亦偶然回首蘼蕪長春阪

征帆未轉吳王峴鄉心已過奔牛堰鴈來倘寄一紙書
祝我歸程保安穩

石鐘山

山根插江翠玲瓏斑斑斧鑿留天公寒濤夜捲乘江風
噌吰鞳鞳諧商宮明堂合樂考大鏞笙竽俗耳驚長聾
無緣金奏作石中誰乃竅石勞鑄礪若云風水偶擊衝
風收水落聲何從太音出虛感卽通假石以鳴石無功
世間色相徒形容是石非石鐘非鐘題詩一笑卸短篷
坐聽萬籟號霜空

九江雜成四首

前度含香畫省郎乘輶萬里有輝光
白頭又作潯陽客風雪啼猿一斷腸

紅亭寂寞噪寒鴉滿眼西風捲浪花
不是江州醉司馬淚痕也擬濕琵琶

門戶荆襄極望遙上游鼓角鎖江潮
祇應桑落洲前水曾向斜陽送六朝

夾岸青山翠欲圍彭郎不解送帆歸
大江東去人西上目斷吳天一雁飛

粵行不果因道湓口泝江訪吳樹堂中丞於武昌
書此見意

隨時賦芋任狙公世事原非逆料中不慕求仙跨東海
已緣吹律聽南風戲場傀儡憑人弄路鬼揶揄笑客窮
負負初心更何說明珠翠羽棄如蓬

繞枝烏鵲怨星稀莽莽江天碧四圍路到三鵝須得問
碁爭一劫未全非越吟休問枕榔驛楚製重紉薜荔衣
珍重荆南老開府可能賓至竟如歸

熱惱根緣只自求漫教大宅氣虛浮鍛翎肯作驚弦鳥

牽鼻初非負輓牛豈有公孫欺布被且從賀老脫貂裘
落梅一聽江城笛不枉乘風萬里舟

來日無須唱大難閒鷗相伴宿空灘愁心江上山千疊
歸夢池南竹數竿巨艦定輪估客樂側巾猶帶秀才酸
茲遊意外翻奇絕何限關河放眼看

瀕行兒子慶勲以先文裕公秋興詩八首墨蹟卷
請題字攜置行篋舟中無事感念生平因盡次
原韻以竊比於秋興之義爲附書卷尾其卒章
則專及本事也

少年塗抹不知慚，矍鑠誰言老尚堪。
牛馬倦從太史走，桑麻閒聽野人談。
著花結習應消盡，啖餅虛名莫浪貪。
猶有鑑湖

天賜與菟裘，卜築在淞南。

嘗蒙淞南小隱圖一幅

恩賜楊基

父兄攜我走西東，難忘青燈夜幙風。
巾屨時陪丈人行，田園都在一經中。
儘教有用書常讀，肯放無因刺漫通。
樗散自慚今白首，刻鳧畫虎定誰工。

鈴馱西風急暮笳，一充州賦便辭家。
烏棲穩借宮中樹，蠅集宜揮闕下瓜。
寶勒踏開南苑雪，荷囊吟遍上林花。

車茵醉吐尋常事狂態消磨感歲華

萬馬橫穿入禁軍常依華蓋織龍紋和門勘箭秋宵月
野竈傳餐日暮雲襖被慣隨樞府直刺闔時候驛書聞
塞山極目盤雕處曾倚金鞍草檄文

舊交寂寞散吟窗采采芙蓉賦涉江得路盡兼驚鳥百
懷人誰寄鯉魚雙姓名尙許山公列壁壘先驚鄭伯降
最愛龍眠老居士十年高臥鹿門龐

謂姚姬
傳郎中

中經簿錄撰初成同上金鑿接佩聲已報匡衡副丞相
未容嚴助厭承明鈞天舊夢思蓬苑阿閣新巢在鳳城

太息周南尙留滯更無才筆賦西京

傷心陟岵淚痕多眼送青春逝水波
草豈根高怨霜早木方葉靜奈風何
太倉竊粟羞饑鼠絕漠尋泉怯疥駝
掃冢急歸猶恨晚種松未老鬢先皤

千章喬木儼山園秋雨頽垣忍更言
幸有墨痕留繭紙方知詩思在江邨
縱橫健筆摩雲鵠慘澹哀音動峽猿
慎守通天舊時帖莫教鐵石溷朱門

望村集卷十

孫男成沅謹重刊